

野人清嘯目錄

上卷

五言古詩三十首

五言律詩三十首

下卷

七言律詩三十首

五言絕句三十首

七言絕句三十首



國家圖書館, NATIONAL CENTRAL LIBRARY, TAIWAN, R.O.C

史  
人  
法  
所

目  
金

野人清嘯卷之上

嘉禾梅顛周履靖著

金陵荆山書林梓行

五言古詩清嘯三十首

難將百鎰金挽留一寸晷昇沉弗少稽迅若弦  
上矢朱顏暗裏衰少壯胡足恃奔趨名利途此  
心忘砥礪徃古與來今盡屬虛生死物情旦暮  
遷否泰循環理富者詎可驕貧者未足耻但存  
義與仁榮枯任所以紛紛混俗流豈若明達士

幽馨深谷蘭雅勝穠桃李歎羨山中人閒身隨  
鹿豕

其二

閒凭花畔欄時聽枝上雀追思往日非四十九  
年錯良辰夢裏過流光似駒躍造物困丈夫心  
亦諳民瘼紉木塞芟荷供餉摘葵藿性成詩酒  
癖身爲兒女縛何如居山中跌坐持般若人情  
始已知恰似秋雲薄且自傾壺觴醉餘情落落

其三

殘陽淪碧海皓月吐青山不識旋運速白晝苦  
弗閒登眺任舒嘯感慨空淚潛富貴由天賦榮  
辱何相關碌碌塵氛途擾擾名利闕誰能悟其  
機拂衣遺人間世事猶棋局決勝良亦艱莫云  
孟浪語端可醒愚頑

其四

黃犢犁春疇何如太倉鼠勞形無宿儲安逸有  
餘茹無論賢共愚皆由天賦與一屣足可栖豈  
羨立朝宁人生不久長懷抱徒悽楚古墓爲郊

野人清嘯 卷一 三  
畦桑田變海渚行樂總丹丘蓬萊渺何所遁迹  
全其生得失任來去

其五

身世若大夢變幻如浮雲朝歡宴綺席暮爲兩  
地分貧賤不足憂富貴何必欣翻覆循環理自  
古有所聞智者達其意林泉樂日殷但盡尊前  
興豈計塵事紛子房從亦松絕勝韓彭勲愚本  
多拙訥敢與世類羣

其六

調琴聊自適常謂無知音殘編盈几席囊罄乏  
黃金行歌學年少暢飲開煩襟每持安貧操恒  
養貞素心愛河與苦海詎能測淺深尤當靜中  
究斯言誠足欽

其七

自學老圃風悠然潛故里把酒面青山濯纓臨  
碧水神遊霄漢間夢繞梅花裏落落無所拘窮  
通任天使秫田半頃饒此生願足矣時聽枝上  
鶯嬾曳屐門履石鼎蕪明香幽窓彈綠綺

其八

史紀達士儔南州徐孺子家無儋石儲律已循  
道軌去古千餘年到今羨其美吟風倚短筇鋤  
雲着敝屣朝來得聞道無恨至夕死採芝延脩  
齡種梅遶長浹欲追昔人風有爲亦若是

其九

閒庭調鶴舞不喜逐胡鷹白晝時開卷滄江可  
舉魯少壯廢其學老大恃何能言行當循理得  
失由天成道貴存仁義心當絕愛憎簞瓢飯蔬

食隱几枕曲肱身雖陋巷居意氣常自弘

其十

四時春色佳行樂須及蚤狂斟花底觴莫待鶯  
花老夜來風雨摧零落君知道利欲迷其心忽  
爾銷至寶華屋與良田何如一樽倒縱有百歲  
期終當伴衰草

其十一

脫冠兼跣足踈散忘鞠躬行媿非顏子囊恒亦  
屢空隨時好懷抱尤喜無疲癯閒來歌白雪興

里ノ詩集 卷一  
至撫焦桐心狂隘宇宙縱飲稱醉翁落魄天地  
間徜徉林壑中悠悠百年內後世仰高風

其十二

開襟坐芳草怡然對花榭常喜酒盈樽無玉不  
待價暢飲樂陶陶渾忘晝與夜睥睨宇宙間酪  
酏卧茅舍

其十三

知止心自足憂道不憂貧詩爲千載業酒作養  
生珍山水仍依舊人情幾易新俄然風波興舉

目誰相親東家富多事安閒讓西鄰賢愚偕壽  
夭黃壤終蔽身

其十四

桃李總芳菲豈若松栢久金谷花千叢渭川竹  
幾畝花落鳥音稀竹廢爲澤藪紅日照東楹月  
色暎西阜光陰不少稽晝夜迅奔走行樂須及  
時莫待成白首

其十五

身貧志不貧心閒身足貴達人暢高懷志士養

野人清嘯  
浩氣花下傾壺觴豈惜千金費一念萌貪饕欲  
火斯騰沸鯤魚潛深淵冥鴻遠羅爵寄語養生  
人淡泊有真味

其十六

吾生本拙訥契彼出塵心高懷恣瀟灑世事總  
難禁杲杲東日昇溶溶月西沉嗟哉時易過情  
與杯酒深黃糧夢早識落魄欣無任屢空不足  
憂常恐白髮侵

其十七

高歌一曲狂濁酒三杯進山花眼底明海月波  
心印世事任模糊真偽誰能認爲樂及芳春莫  
待霜侵鬢常耕方寸田何由生險釁靜觀智術  
流空布風雲陣

其十八

試觀管謀者堪嗤復堪悲亾身與傾家由來爲  
錙銖勿謂老將至誰知朱顏衰人情旦暮遷世  
事頃刻移真淳漸銷鑠利欲日潛滋生死本無  
常智巧何能辭



其十九

五十已知非所志在行素處貧宜自安視富莫  
生妬清謹恒相持紉衣只韋布一飯惟藜藿淡  
泊遺外慕不爲塵俗羈貞心願永固

其二十

扁舟與彩鷁得水方可征大厦合抱材本從毫  
末生積功與累仁福澤由微萌欲爲逍遙叟一  
塵復何嬰道德期高大利欲遠弗親跡混蒿萊  
中足由坦途行

其二十一

忘機似鷗鳥守拙猶鳴鳩命運固有定何必多  
閒愁偃蹇與榮達修爲詎能侔知足遠恥辱知  
止奚俟求村醪即醇醴山藪同珍羞不爲贈繳  
羈是亦古巢由

其二十二

變幻瞻雲霞迅疾看走馬身世等浮漚何如醉  
樽竿天地爲紅爐造化即陶冶賢士韜輝光達  
人粧聾啞調絃對南薰臨書北牕下聞靜一茅

里人清嘯 卷一  
堂雅勝開綠野

其二十三

蕭蕭數竿竹猗猗挺清標碧陰覆渭水翠杪拂  
雲霄常與松栢偕不逐桃李嬌堅守歲寒操霜  
雪焉能凋貞性本天植奚用琢與雕千紅并萬  
紫春盡總辭條

其二十四

靜究老氏語睥睨世炎涼余心惟寂寞隨人較  
短長朴訥可持久澆薄見蚤傷破俗憑新句陶  
情仗醴漿徒勞計百出自古有興亾達士恒嘯  
傲愚者空奔忙

其二十五

情與山水契日混麋與鶴芳梅樹荒墟茅廬結  
幽壑翠竹挺蕭蕭山花開灼灼烟霞爲伴侶閒  
身得所託聽鳥撫孤松看雲凭草閣醉酒樂餘  
生安用煉丹藥甘貧卧衡門俯仰心無忤

其二十六

心田恒坦夷不必畏雷霆高懷歌白雪危坐向

園亭興至隨花柳既醉已忘形嘉賓娛綺席好  
月映空庭人情多冷暖身世如浮雲獨有南山  
柏凌寒不改青

其二十七

家屈白苧村更喜鴛湖近心共野雲閒跡與漁  
樵混芳園長嫩蔬碧甕藏清醞門外繞綠楊籬  
邊茂朱槿貧堅顏閔操禮遵孔孟訓素仰嚴陵  
風尤羨商山隱身在名教中言行宜當謹

其二十八

鄰家新酒熟杖頭餘青錢呼童漫沽飲閒吟清  
溪邊山花向人笑垂柳傍堤眠擎杯看花柳黃  
鳥鳴樹顛爲歡須少壯明月幾度圓蜉蝣易生  
滅幻化猶雲烟狂歌倒接罹醅酹艷陽天

其二十九

遺世成獨立醉後笑撫掌跡若川上萍風生遂  
飄蕩且盡眼前歡莫爲身後想桃李入春榮秋  
至同草莽良辰不易逢樂事還堪賞高歌暢滿  
懷曠達爲吾黨

其三十

客至惟適情儉約無嘉設帶露摘園蔬山厨烹  
更潔黃鳥弄音奇尊中酒未竭歡賞忘去來咲  
把庭花折粗豪縱飲頻高調歌白雪醅醕不辨  
人醉眼看冷熱

五言律清嘯三十首

逸名林下叟遺世野人家蹤跡同玄鶴情懷契  
紫霞清風披朗牖宿鷺滿晴沙闕寂無車馬透  
逕徑路絕

其二

縱飲如元亮踈狂訝陸通閒心秋水白幽抱碧  
霄空有興漁江鯉無情弋塞鴻高栖忘俗慮詩  
句不求工

其三

雅志辭塵鞅臨波把釣竿紅蝦供野酌青鯽作  
宵餐孤艇沙邊艤群鷗渚上看漫追志和興蕩  
漾過前灘

其四

野合清嘯  
九一  
門靜蒿萊長林幽少客過野猿時朗嘯山鳥日  
賡歌闔戶凡情寡鳴琴逸興多陽春一曲罷慮  
滌壯心和

其五

楓葉飄林麓秋來興不孤涼風來綠牖明月上  
蒼梧滿戶雲霞繞深林鳥鵲呼煩心靜止水詩  
骨鶴同癯

其六

夙志耽清隱依岩結草廬烟霞爲伴侶松竹翳

山居茶竈臨風煮林田帶雨鋤石牀閒坐久謾  
究老莊書

其七

生平樂山水策杖獨登臨極目奇峯遠徘徊曲  
徑深松風醒俗耳鳥語適閒心雙鳥流雲潤荷  
衣瀑布侵

其八

樂志憑詩酒看山豁俗襟聽禽啼古木與鹿卧  
長林脩竹搖清影幽泉瀉遠音余心甘寂寞靜

野人清嘯 卷一  
裏看浮沉

其九

一椽聊自足放浪碧山前垂釣臨磯石尋芝破  
曉烟時追孺子節每企向平賢淨几香初爇閒  
披秋水篇

其十

山中葺茅屋靜裏究玄機衣薜渾忘冷食苓可  
療飢泉聲隔林落樹色入簾微日坐幽軒下脩  
然遠是非

其十一

岸柳搖清影茅堂面碧涯遠山凝翠黛野鳥浴  
晴沙薄靄籠芳樹輕風颺落花梁園崇侈麗幽  
致屬山家

其十二

坐對芳蓮沼薰風遞遠香茶烟醒鶴夢酒冽壯  
詩腸翠篠搖青瑣黃鸝鬧綠楊閉門成隱逸高  
枕卧方牀

其十三

野人清嘯 卷一  
五十頭顱白繡書目漸昏經旬不入市終日倦  
開門地僻朋儔寡園荒竹樹存野花供賞翫鳥  
語勸清樽

其十四

堤柳隨風颺池魚噴水漚閑花開綠埜瑤艸長  
丹丘松檜叢青靄岩泉瀉碧流衡門常寂寂緘  
默即玄修

其十五

心澄忘俗慮山靜絕紅塵薇蕨堪充腹柴關可

隱身五禽能卻疾八句欲通神試問何爲者逸  
名落魄人

其十七

閒中幽思愜靜裏好懷生翫月花篩影鳴琴鳥  
和聲躰同玄鶴瘦心共太虛清獨踞胡牀寐靈  
臺耿耿明

其十八

機息忘榮辱心閒寡愛憎江梅同我操秋水比  
心澄庭畔調馴鶴山中晤老僧性耽泉石趣世

野人清嘯 卷一  
事一何能

其十九

閒坐巖灘石桐江下釣  
鈎鷗群春水泛柳蔭午  
風柔浪迹從吾性烟霞是侶儔  
徘徊江上路志逸傲公侯

其二十

結茅身可憩靜養道心明  
溪上逢樵話花間引鶴行  
金風摧木葉玉露浥蘭英  
一曲梅花調悠然五內清

其二十一

徑幽無客到林靜鳥時來  
逸興隨雲徃高懷對月開  
松風醒午夢鶴跡印莓苔  
不管人間事猖狂醉百杯

其二十二

繞籬黃蝶舞隔竹響茶春  
短袂花香襲長歌鳥韻從  
閒看沙上鷺倦倚澗邊松  
日與山樵話霞光曠水容

其二十三



徐步入江鄉西疇遍挿秧柳垂堤上綠草合徑  
邊芳風冷嫌衣薄溪迴覺路長與來忘力倦何  
處野薇香

其二十四

何處覓蓬島無事即爲仙長夜清樽倒空齋白  
晝眠林幽聞鳥語風細裊茶烟坐對南薰爽焚  
香奏五絃

其二十五

須知來日短莫放酒杯虛庭畔竹爲友盤中蕨

當蔬入谷欣聽鳥臨川獨羨魚且盡樽中樂無  
心課子書

其二十六

飄然塵世外瀟灑一狂夫樂有林泉致欣無冠  
蓋拘但知詩意味莫問秫田腴久窹牀頭醞年  
來待客需

其二十七

知白守其黑何欣智者能形骸同土木世事若  
春冰漁艇隨風泛湖樓待月登推敲猶未穩評

野人清嘯  
句有山僧

其二十八

春光猶掣電身世若浮漚  
螢焰明衰草萍蹤泛碧流  
林間風色定杯上月光浮  
且盡花前興何須嘆白頭

其二十九

野徑清溪繞茅堂翠竹圍  
芳樽聊遣興白髮已忘機  
山鳥流音脆溪翁到跡稀  
落霞與孤鶩閒看一齊歸

其三十

結屋不求廣尋山豈厭深  
伴雲栖古洞栽竹傍幽林  
嵐氣籠高樹殘陽映遠岑  
據梧吟好句卓落遠塵心

野人清嘯上卷終



國家圖書館, NATIONAL CENTRAL LIBRARY, TAIWAN, R.O.C.



野人清嘯卷之下

七言律詩清嘯三十首

嘉禾梅顛周履靖著

年過五十興闌珊睡覺東窓日數竿幽抱碧霄  
秋月霽高情滄海曉霜寒風和林外鶯聲巧雨  
過枝頭花色殘醉酒哦詩聊自適閒從魚鳥日  
盤桓

其二

短褐棕鞵四躰輕買山築室欲逃名身同老鶴

形骸瘦心似明蟾氣象清坐向頽簷觀世態夢  
餘孤枕悟人情悠然靜葆精和氣一曲冰絃意  
自平

其三

欲謝塵囂卜隱居山幽地僻俗情疎琴鳴古調  
醒庭鶴硯滌方池動藻魚長日博觀左氏傳明  
窓興倣右軍書晚來對月三杯後世慮都將一  
醉除

其四

毀不嗔芳譽不欣心涵道德靜天君梅花孤潔  
開芳圃茅屋虛明住白雲石鼎煮茶香馥馥林  
風曳竹影紛紛幽然迹遁巖阿內懶與時人混  
俗氛

其五

少年仗劍五陵遊幾度追歡醉玉樓種竹只緣  
詩課計耕田還爲鶴糧謀年來俠氣春冰渙歲  
去浮名暮網收買箇扁舟依慕岸閒身終日伴  
沙鷗

野人清嘯 卷一  
其六

黃茅爲瓦枳爲牆  
芳沼荷開迤遠香  
淺淺清泠溪水淨  
悠悠曲折路岐長  
茂林脩竹消煩暑  
幽徑高槐度嫩涼  
獨坐碧陰揮羽扇  
雙雙飛燕入簾忙

其七

寂寂林堂寡客車  
一灣流水映丹霞  
垂楊搖拽幽人境  
脩竹深藏隱士家  
屋畔松喬翔野鶴  
岩前桂老發天葩  
莫言白首無消受  
宿酒新詩興

轉賒

其八

散誕無拘卧竹林  
那堪白髮鬢邊侵  
牀頭酒熟時當醉  
灞上梅開興欲尋  
秋日倚松吟月色  
春風藉草卧花陰  
狂來一嘯忘身世  
懶向時人嘆陸沉

其九

荒郊結屋遠風塵  
寂寂柴門傍水濱  
野鹿時來堪作伴  
梅花常近若爲鄰  
琴書盈几聊供興  
葵

藿成畦未信貧幽壑深林有佳境何須追做避  
秦人

其十

尚志生平泉石盟  
巒巒巖壑傲簪纓  
身同孤鶴千峯繞  
迹似流雲一片輕  
室秘丹爐凝紫氣  
枝藏玄鳥遞清聲  
野人拾蕨堪爲餉  
何必扶藜入禁城

其十一

翛然凭几對斜暉  
五十年來遠是非  
閒掃松花

供野爨漫收木葉  
紉秋衣時過竹院  
同僧話晚倚柴局  
看鳥歸不羨長安  
車馬客且隨鷗鳥  
共忘機

其十二

幽人自喜近僧家  
寂寂荆扉傍水涯  
瀟灑萬竿蒼玉竹  
芳菲幾樹碧桃花  
潺湲飛瀑林端落  
陰翳輕雲檻外遮  
晚向溪邊閒策杖  
一羣鷗鷺滿汀沙

汀沙

其十三

野人清嘯 卷一  
不隨時輩較浮沉卜築茅堂近竹林幾處幽禽  
啼樹密一番驟雨落花深牀餘書卷從吾檢徑  
澆蒿萊謝客尋自是野人成懶癖高山流水是  
知音

其十四

棄劔操瓢入隱淪布袍蓬髻稱綸巾清風竹榻  
成新句流水溪橋作比鄰天際白雲當戶列堦  
前玄鶴向人親莫云林藪非愚谷恰似當年鄭  
子真

其十五

傍水依山結隱居樹梅栽竹繞清池釣魚北澗  
堪爲饌種荳南山可療飢老鶴焦桐聊寄興清  
風明月雅宜詩悠然遠遁渾忘世那管懽娛與  
別離

其十六

衡門徑僻少行蹤日對閒雲俗慮空興閱古詩  
賡杜甫閒披高士羨梁鴻幽窓一枕心神寐濁  
酒三杯意氣融莫謂野夫同槁木飄飄逸思吐



長虹

其十七

生平踈散愛巖栖  
白苧村前鴛水西  
寂寞草堂芳樹合  
崎嶇石徑野雲迷  
柴扉盡日閒  
青草野叟隨時步  
碧溪掃榻淹留高士駕  
開樽取醉索新題

其十八

狂夫潦倒卧林丘  
盡日栖遲謝勝遊  
匣秘龍泉消壯氣  
庭飄梧葉報新秋  
臨池染翰聊追興  
向

月擎杯試解愁  
塵事已蠲閒  
白晝謾將心跡寄  
虛舟

其十九

年來懶慢謝經過  
幽壑閒門掩薜蘿  
長晝堦前蒿草翳  
深秋籬畔菊花多  
空庭舉袂因調鶴  
淨几臨書欲換鴛  
聞道湖南新月霽  
漫移蘭棹泛澄波

其二十

碌碌塵紛逝水長  
韶華倏忽電流光  
方迎菴

三春日又見嚴寒九月霜不盡山花供我興無窮  
窮世事爲誰忙且將宿醞時浮白須信人生傀儡  
散場

其二十一

溪上誅茅結靜扉閑收木葉可成衣芳春荷笠  
分菱種未日凭欄看鷺飛灼灼葵榴開鶴徑依  
依楊柳拂漁磯尋常盡屬風塵客爲問何人解  
識機

其二十二

朝來對鏡覺心驚鶴髮蕭蕭兩鬢生湖上青山  
如有約樽中綠酒若爲盟年來心似片雲淡醉  
去身猶一葉輕歡笑花前能有幾可知塵世屬  
虛名

其二十三

數里村墟背郭偏柴門深鎖綠蘿烟荷花凋盡  
三秋葉桂子飄殘八月天把酒謾看陶令菊餐  
英遙誦楚人篇林端颯颯涼風度欲覓鱸魚理  
釣船

其二十四

不坐禪牀不煉丹  
茯苓爲餌籜爲冠  
林間列席看花飲  
石上橫琴向月彈  
喜聽山禽聲宛轉  
欣逢漁父坐盤桓  
我儕自有林泉樂  
豈羨天衢跨玉鞍

其二十五

吟哦思苦鶴同羸  
須仗牀頭酒一卮  
壯志年隨流水去  
閒心時與白雲期  
池栽綠芰防秋冷  
地產黃精療晚飢  
家住深山逃姓氏  
徜徉不與世

人知

其二十六

惟願新篔百斗漿  
對花歌咏吸千觴  
狂來跣足吹梅笛  
醉去和衣卧石牀  
謝絕囊中名利路  
消融腹內是非腸  
人間自有蓬萊境  
何必尋真覓秘方

其二十七

倏忽新春又蚤秋  
奔忙旋運使人愁  
良辰莫負看花約  
往事應隨逝水流  
豈羨朱門千駟乘  
何

野人清嘯 卷一  
如滄海一扁舟綠簑青笠風塵外蓴菜鱸魚薦  
酒甌

其二十八

幽齋靜對一爐薰凭几間披韓柳文野鶴繞堦  
和月舞山童煮茗摘松焚春光浩蕩如滄海人  
事輕浮似淡雲漫拉前溪老漁叟頻斟綠醕話  
慇懃

其二十九

自喜山家塵事寡慢扶鳩杖看雲飛荷鋤籬畔

閑培菊擁葦齋頭靜掃氛三徑年來情可適一  
樽老至興猶勤荆妻戾戾烹葵藿放浪高歌醉  
夕曛

其三十

酒中真樂羨淵明解組投閒利欲輕盞內綠醅  
和月飲籬邊黃菊帶霜榮桃源歸去辭猶富不  
遇閑情賦更精漉酒葛巾情最逸清修千載擅  
芳名

清嘯五言絕三十首

野人清嘯 卷下  
四十九年錯今來始覺非焚香虛牖下披帙究  
淵微

其二

身懶成落魄不爲利名縛狂來撫掌歌興至調  
玄鶴

其三

踈散稱逋士閉門一無爲烟霞伴蹤跡鹿豕日  
相隨

其四

囊中無異寶世上有閒人任爾呼狂客生平不  
作嗔

其五

逢花巾上插遇飲且留連莫問名和姓人間一  
散仙

其六

清溪看舞鶴幽几靜刪書芳艸迷庭砌頽然一  
敝廬

其七

聖人清野 卷一  
逸性諧泉石自是愛岩栖種藥鋤黃壤垂竿釣  
碧溪

其八

籬邊茂叢菊林外有啼鶯須罄樽中酒休教負  
此生

其九

詭譎終罹患何如學箇癡憑誰施巧計天道豈  
無知

其十

琴書成一束負荷入青山謝却塵寰事逍遙巖  
谷間

其十一

心澄遺俗慮室淨一塵無閒撫焦桐罷長空月  
色孤

其十二

東岡紅日杲又見月西沉利欲驅人急何能靜  
此心

其十三

野人清嘯 卷下  
河流無復返歲去豈能留黃金貯華屋不及醉  
壚頭

其十四

高歌共客娛把酒花間坐一醉春風中良辰莫  
虛過

其十五

神遊霄漢外情寄泉石間幽然伴明月時與白  
雲閒

其十六

總角知識淺悞涉崎嶇岐知命年已過萬事一  
無爲

其十七

愛河闊無際欲海何其深誰能登彼岸費盡此  
生心

其十八

焚香踞孤榻靜觀世變遷任渠榮與辱而我自  
安然

其十九

野合清明 卷一  
靜究希夷旨閒翻道德書得窮先達理六欲自然除

其二十

浮萍若身世貪昧不知虛一番波浪湧漂泊竟何如

其二十一

家住桃花里草屋三兩間貌同木石古心共野雲閒

其二十二

編茅成小隱績苧作寬裳菰米炊香飯山蔬薦酒觴

其二十三

舉世誰勘破動止即多過若存利己心却被情欲浣

其二十四

羣情攪寸衷一身混塵事翳此明道心經典藏深筭

其二十五



弗遵德性學利欲攻其心能究淵源理將來頌  
美音

其二十六

人生知有限幾度醉花前識破邯鄲夢閒身屈  
百年

其二十七

樊籠拘幻質苦海萬重濤若悟玄玄旨功名等  
一毫

其二十八

誰能千日醉月無十日晴知機心自樂簡默氣  
和平

其二十九

縱目看山色凭欄聽鳥聲却輸隱者逸幽抱玉  
壺清

其三十

世上趑趄語生平不耐聞興來三斗酒枕石卧  
斜曛

清嘯七言絕三十首

野人詩  
卷下  
七  
踈狂野叟性多偏，懶去經營不力田。  
時對清樽歌白苧，日高猶自枕琴眠。

其二

山家滋味閒中得，世上機關靜裏知。  
萬物到頭皆是幻，不如花下倒清卮。

其三

採蕨東山趁月歸，不妨清露濕荷衣。  
到家小犬迎人吠，老婦携兒候竹扉。

其四

世人何必羨長生，惟事閒心利祿輕。  
棋到勝時饒一着，藜牀欹枕夢無驚。

其五

懸壺賣藥不二價，閉戶著書將萬言。  
曉汲清泉烹白石，旋攀松柏作饔餐。

其六

瘦瓢爲侶杖爲儔，鶴髮黃冠衣鹿裘。  
囊裡有丹能濟世，脩然放浪五湖遊。

其七

甕牖繩樞竹作圍梅花舒玉蕨芽肥道人且樂  
閒中勝靜倚幽窓看雨霏

其八

茅屋三間枕碧澗荆扉常寂駐閒雲支願讀遍  
莊生語志曠情怡世莫群

其九

入山高志已多年更愛幽栖遠市廛  
魚鳥樂澹中滋味向誰傳

其十

靜觀塵中萬事紛栖遲常與鶴爲羣  
半生事業惟山水一片閒心伴白雲

其十一

誰勝山中隱士家巖邊翠竹澗邊花  
危峯百丈泉千尺風景依稀似九華

其十二

白李紅樺障錦屏如絲楊柳草青青  
山中風致休教負一曲清歌倒玉瓶

其十三

閒門長日長  
蘼蕪猶喜無情夢  
上都興劇御  
成一嘯陶情  
惟仗酒盈壺

其十四

閒與羣鷗沙上狎  
咲看人世爲誰忙  
何如靜踞長松下  
時聽黃鸝舌鼓簧

其十五

散髮踈慵卧竹林  
生平惟與酒知音  
三杯自覺忘塵俗  
得興優游對月吟

其十六

卧起方牀日欲傾  
汲泉碧澗選茶烹  
臨窓拂几和清操  
一曲瀟湘月上楹

其十七

爲問山人興若何  
悠然鼓棹泛澄波  
有時把釣鴛湖曲  
貰酒烹魚醉放歌

其十八

莫教虛度艷陽天  
花滿枝頭柳散綿  
黃鳥調歌供客况  
如茵芳草醉時眠

其十九

興狂喜混散人班醉酒行歌世外閒謾學漁樵  
忘世慮不臨湖上即登山

其二十

方牀睡起命壺觴竹底風生可納涼醉裏粗豪  
發長嘯却臨磯上濯滄浪

其二十一

身心狂誕志無求自是生平不解愁句就興來  
頻喚酒花前傾倒且淹留

其二十二

浩蕩乾坤寄老夫長歌一曲酒三壺醉來熟睡  
藜牀穩一任傍人喚酒徒

其二十三

山田數畝一茅廬幾甕香醪半榻書晝掩荆扉  
無客到經旬足不躡村間

其二十四

鷄衣木食卧中林野鶴孤雲伴客吟名姓不容  
通上國翛然靜養上皇心

其二十五

六尺癯形一短筇深巖絕壑寄行蹤不知世路  
幾多險任我踈狂兩鬢鬆

其二十六

不求負郭三千頃惟喜移家住白雲糲飯黃蘗  
生願足溪風林月有誰分

其二十七

曲澗泉清碧樹森四山雲淨鳥調音此時此景  
人知不寐寐盤桓空道心

其二十八

野蔬糲飯心能足松牖鳴琴稱隱淪天與我儕  
塵外樂狂歌縱飲倒綸巾

其二十九

黃草爲鞋葛作巾孤雲一片伴閒身山中閒寐  
無人到自與鳴禽作主賓

其三十

重事從教是與非野人拙訥獨知機携壺長嘯  
花間坐醉眼模糊看鳥飛



國家圖書館, NATIONAL CENTRAL LIBRARY, TAIWAN, R.O.C.

夏人清時下卷終

夏人清時

卷一

九